

### ԱՐՏԱԿ ԳԵՎՈՐԳՅԱՆ

Երևանի պետական համալսարանի իրավաբանական  
ֆակուլտետի շորթորդ կուրսի ուսանող



## ՊԱՏԵՐԱԶՄ ՎԱՐԵԼՈՒ ԱՐԳԵԼՎԱԾ ՄԵԹՈԴՆԵՐ

Եթե պատերազմ վարելու արգելված միջոց-ներ ասելով հասկանում ենք, թե ինչ գևնր, գի-նատեսակներ չի կարելի օգտագործել, ապա պատերազմ վարելու արգելված մեթոդն իրե-նից ներկայացնում է պատերազմ վարելու մի-ջոցների օգտագործման և կիրառման կարգը: Ուստի գտնում ենք, որ պատերազմ վարելու արգելված մեթոդը սահմանված նպատակին հասնելու համար պատերազմ վարելու միջոց-ների օգտագործման տարբեր եղանակներ են, այն, թե ինչ եղանակով չի կարելի հասնել սահ-մանված նպատակին:

Պայթյալի միջոցներն ու մեթոդներն այսօր էականորեն տարբերվում են անցյալում կի-րառված միջոցներից ու մեթոդներից, սակայն ոչ թե լավ առումով, որ սկսել են ավելի մեղմ մի-ջոցներ ու մեթոդներ կիրառել, այլ այն պատճառով, որ գնալով ավելի սարսափելի վնասներ ու ավերվածություններ սփռող միջոց-ներ են օգտագործում, արգելված մեթոդներ կի-րառում:

Իրավաբանական գրականության մեջ հա-ճախ նշվում է, որ պատերազմ վարելու մեթոդ-ները հիմնված են երեք հիմնարար սկզբունքնե-րի վրա՝ խտրականության արգելման, ավե-լորդ տառապանք չպատճառելու, ուխտադր-ժության արգելման<sup>1</sup>, սակայն, երբ նշված սկզբ-րունքներից որևէ մեկը խախտվում է, ապա կի-րառված մեթոդը համարվում է արգելված:

Պատերազմ վարելու մեթոդները յիևում ևն արգելված և ոչ արգելված, թեպետև որոշ հե-լլինակներ առաջադրում են նաև մասնակի ար-գելված մեթոդներ<sup>2</sup>: Այդ մեթոդները վերաբերում ևն ցամաքային, օդային և ծովային պատե-

րազմներին:

Պատերազմ վարելու արգելված մեթոդները շատ են, որոնք ամրագրված են մի շարք մի-ջազգային իրավական ակտերում, սակայն, կախված նրանից, թե այդ մեթոդներից յուրա-րանչյուրը կոնկրետ ինչ օրյեկտի դեմ է ուղղ-ված, մենք, տալով տեսական դասակարգում, առաջարկում ենք հետևյալ երեք խմբերը՝

1.պատերազմ վարելու արգելված մեթոդներ, որոնց կիրառումն անմիջականորեն ուղղված է անձի դեմ.

2.պատերազմ վարելու արգելված մեթոդներ, որոնց կիրառումն անմիջականորեն ուղղված է նյութական արժեքների դեմ,

3.պատերազմ վարելու արգելված մեթոդներ, որոնք ունեն ոչ ընտրողական բնույթ, որոնց կի-րառումն անմիջականորեն ուղղված է և/կամ անձի, և/կամ նյութական արժեքների, և/կամ շրջակա միջավայրի դեմ:

Անձի դեմ ուղղված պատերազմ վարելու ար-գելված մեթոդներ ասելով՝ հասկանում ենք այնպիսի արգելված մեթոդներ, որոնք անմի-ջականորեն ուղղված են անձի դեմ, այսինքն՝ անձի կյանքի, առողջության դեմ, որոնց կի-րառման ժամանակ անձը ֆիզիկական և/կամ հոգեբանական տանջանքների է ենթարկվում: Այդպիսի արգելված մեթոդներից են՝ բանազր-նացին սպանելու կամ վիրավորելու արգելումը, գթության մեթոման արգելումը, շարքից դուրս եկած անձին սպանելու, վիրավորելու արգելու-մը, բաղաբացիակրան անձանց, խաղաղ բնակ-չության վրա հարձակման արգելումը և այլն:

*Սովահարության արգելում.* Սովահարու-թյունը՝ որպես պատերազմ վարելու արգելված

մեթոդ, դեռևս հնագույն ժամանակներից է կիրառվել: Առաջին լրացուցիչ արձանագրության 54-րդ և Երկրորդ լրացուցիչ արձանագրության՝ 14-րդ հոդվածները համաձայն՝ արգելվում է քաղաքացիական բնակչության շրջանում սովն օգտագործել որպես պատերազմելու մեթոդ: Իսկապես, սա աննարդկային քայլ է, որը նաև խախտում է մարդասիրական իրավունքի՝ ըստ անհատների սահմանափակման սկզբունքը<sup>4</sup>: Սրա հետ կապված հարց է ծագում, եթե, օրինակ, մի կողմի իշխանությունները շրջափակյան մեջ են վերցնում որոշակի տարածք և արգելում ելքն ու մուտքը այդ տարածք, որի արդյունքում շրջափակվածները գրկվում են կիմնական սննդամթերքից, ապա այստեղ կիրառվե՞ց սովահարության դիմելու մեթոդը, թե՞ ոչ՞:

Մեր կարծիքով այս դեպքում չի կարելի մեղադրել այդ կողմին սովը որպես պատերազմ վարելու արգելված մեթոդ օգտագործելու համար, քանի որ այս արարքի օբյեկտիվ կողմը՝ հարձակվել, ոչնչացնել, դուրս տանել այն օբյեկտները, որոնք անհրաժեշտ են քաղաքացիական բնակչության գոյատևման համար, օրինակ՝ պարենի պաշարները, պարեն արտադրող գյուղատնտեսական շրջանները, ցանքերը և այլն. այստեղ առկա չէ, և, բացի այդ էլ, Առաջին լրացուցիչ արձանագրության 54-րդ հոդվածի Լրկրորդ կետի համաձայն՝ այդ արգելքները չեն կիրառվում քաղաքացիական պահպանման, այլ նպատակների, ռազմական գործողությունների ուղղակի պաշտպանության համար:

Մակայն պետք է նշել, որ եթե այդ քայլերը հանգեցնում են նրան, որ բնակչության շրջանում սով է առաջանում կամ բնակչությունը հարկադրված մեկնում է, թողնում իր տարածքները, ապա այստեղ առկա է սովահարության դիմելու արգելված մեթոդը: Հետևապես, պարտադիր չէ, որ անձը գամվի սովահար վիճակում, պարզապես, եթե պարենի պաշարները, խմելու ջրի մատակարարման կառույցները դիտավորությամբ փչացնում, ոչնչացնում են, որի

նպատակն այն է, որ բնակչությունը չկարողանա օգտվել դրանցից, և բնակչությունն էլ, հակառակորդի կողմից հիշյալ օբյեկտների շարքից դուրս բերելուց հետո, անմիջապես լրում է տարածքն այն պարզ պատճառաբանությամբ, որ այլևս հնարավոր չէ մնալ, չկան նվազագույն կենսապայմաններ, և կարևոր չէ նաև այն, որ բնակչությունը նման պայմաններում ընդամենը մի քանի ժամ է մնացել, միևնույն է. այս պարագայում թշնամու կողմից կիրառվեց սովահարության՝ որպես պատերազմ վարելու արգելված մեթոդը:

*Ադեաի ենթարկված թռչող սպարառից անկարգելով իջնող անձանց վրա օդում գտնվելու ժամանակ հարձակման արգելում.* Այս մեթոդն առաջին անգամ ամրագրվել է «Օդային պատերազմի վարման կանոնների մասին» 1923թ. վրաստարդրում, որն այդպես էլ իրավաբանական ուժ չստացավ: Համաձայն սրա 20-րդ հոդվածի՝ եթե ինքնաթիռն ադեաի ենթարկվում է օդում գտնվելու ժամանակ, ապա ինքնաթիռը անկարգելով լքողները չեն կարող հարձակման օբյեկտ դառնալ մինչև գետնին հասնելը:

Մակայն, մեր կարծիքով, «մինչ գետնին հասնելը հարձակման օբյեկտ չեն կարող դառնալ» արտահայտությունը սխալ է, քանի որ ըստ հոդվածի՝ ստացվում է, երբ վայրէջք կատարեցին. նրանց կարելի է սպանել: Այդ հոդվածում անհրաժեշտ է ավելացնել, որ հարձակման թիրախ չեն հանդիսանա, եթե վայրէջք կատարելուց հետո հանձնվեն կամ թշնամական որևէ գործողություն չձեռնարկեն:

Այս արգելված մեթոդն ամրագրված է նաև Առաջին լրացուցիչ արձանագրության 42-րդ հոդվածում, համաձայն որի՝ ադեաի ենթարկվող թռչող սպարառից անկարգելով թռչող ոչ մի անձ հարձակման չպետք է ենթարկվի իր վայրէջքի ընթացքում:

Ադեաի ենթարկվող թռչող սպարառից անկարգելով թռչող, հակառակորդ կողմից վերահսկվող տարածքում վայրէջք կատարած անձին հնարավորություն է տրվում գերի հանձնվել՝ մինչև նա հարձակման օբյեկտ կդառնա՞:

Սակայն եթե ակնառու է, որ վերջինս թշնամական գործողություններ է կատարում. ապա նրան կարելի է դիտարկել որպես մարտիկ՝ դրանից բխող հետևանքներով հանդերձ:

Եթե անձը վիրավորված է, բայց շարունակում է կռվել, ապա նա չի ընկնում *horse de combat*-ի հովանավորության ներքո և նրան կարելի է սպանել: Այն պարզ պատճառաբանությամբ չի կարելի սպանել աղետի ենթարկված բուռն ապարատից անկարգելով իջնող անձանց. քանի որ վերջիններս համարվում են շարքից դուրս եկած (*horse de combat*)<sup>7</sup>. իսկ շարքից դուրս եկած է համարվում այն անձը, որը գտնվում է գիտակցությունը կորցրած վիճակում կամ որևէ ձևով շարքից դուրս է եկել վիրավորվելու կամ հիվանդության հետևանքով և այդ պատճառով ընդունակ չէ պաշտպանվելու. պայմանով, որ ցանկացած այդպիսի դեպքում այդ անձը ձեռնպահ է մնում որևէ թշնամական գործողությունից և չի փորձում փախչել:

*Ուխտադրժության արգելում.* Այս արգելված մեթոդն իր ամրագրումն է ստացել Ցամաքային կոնվենցիայում, համաձայն որի՝ արգելվում է հակառակորդի բնակչությանը կամ զորքերին պատկանող անձանց դավաճանաբար սպանելու կամ վիրավորելը:

Այս մեթոդի մասին է նշվում նաև Ծովային կոնվենցիայի 15-րդ, Առաջին կոնվենցիայի 53-րդ, Երկրորդ կոնվենցիայի<sup>8</sup> 45-րդ, Առաջին լրացուցիչ արձանագրության 37-39-րդ, 85-րդ հոդվածներում:

Մարդասիրական իրավունքը արգելում է հակառակորդին սպանել, վիրավորել կամ գերի վերցնել՝ դիմելով ուխտադրժության:

Իսկ ի՞նչ է իրենից ներկայացնում ուխտադրժությունը:

Ուխտադրժություն են համարվում այն գործողությունները, որոնք նպատակամղված են հակառակորդի մոտ վստահություն առաջացնելու և ստիպել հավատարմ. որ վերջինս պաշտպանության իրավունք ունի, սակայն նպատակ ունենալով խաբել՝ այդպիսի վստահությունից օգտվելով:

Մեր կարծիքով վստահության շարունակումը

ինքնին հանցավոր արարք չէ, սակայն երբ դրա հետևանքով սպանություն կամ մարդասիրական իրավունքով արգելված ուրև այլ վնաս է պատճառվում, այդ դեպքում նոր վստահության շարունակումը կհանդիսանա հանցագործություն:

Ուխտադրժության օրինակներ են հանդիսանում հաշտության դրոշի ներքո բանակցություններ վարելու մտադրություն կամ կապիտուլացում ձևացնելը, վիրավորվելու կամ հիվանդության հետևանքով շարքից դուրս գալ ձևացնելը, քաղաքացիական անձի կամ ոչ մարտիկի կարգավիճակ ունենալ ձևացնելը, Միավորված ազգերի կազմակերպության, չեզոք պետությունների կամ ընդհարման կողմ շիանդիսացող այլ պետությունների նշանների, խորհրդանշանների կամ համազգևտի օգտագործման միջոցով պաշտպանություն տրամադրող կարգավիճակ ունենալ ձևացնելը:

Պլուրեմային հարց է այն, թե ինչպես զանազան կազմակերպության հագուստով կոմունիստներին, օրինակ պարտիզաններին, որոնք մարտիկ են, իրավաբանորեն արգելված ուխտադրժությունից, այսինքն՝ խոսքը վերաբերում է Առաջին լրացուցիչ արձանագրության 37-րդ հոդվածով նախատեսված ուխտադրժությանը, որը նման քայլ է նախատեսում քաղաքացիական անձի կամ ոչ մարտիկի կարգավիճակ ունենալ ձևացնելու:

Սրա հետ կապված մեկ այլ հարց ևս պետք է ուսումնասիրել. նա, ով քաղաքացիական անձ է ձևանում, արդյոք դա չի հակասում այն դրույթին, որ մարտիկի պարտականությունն է հանդիսանում մշտապես տարբերակել իրեն ոչ մարտիկից, քանի որ մարտիկը պետք է պատշաճ վարքագիծ դրսևորի: Մարտիկի վարքագիծը պետք է համահունչ լինի մարդասիրական իրավունքի նորմերին<sup>9</sup>:

Նետաքրքիր է հետևյալ օրինակը. կոմբատանտը, Կարմիր խաչի մեթենայով վախուտի դիմելով, փրկվում է գերությունից<sup>10</sup>: Արդյո՞ք սա ուխտադրժություն է:

Մեր կարծիքով՝ միջազգային մարդասիրական իրավունքի նորմերը խախտվում են այս

պարագայում, քայց դա այնպիսի լուրջ խախտում (stricto sensu) էլ չէ: Հիմք ընդունելով Առաջին լրացուցիչ արձանագրության 85-րդ հոդվածի 3-րդ կետը՝ կարելի է ասել, որ դա այնպիսի արարք չէ, որ համարվի լուրջ խախտում, սակայն այդ նույն մեքենայով հակառակորդի վրա հարձակվելու ժամանակ այն կհամարվի լուրջ խախտում:

Մեկ այլ հետաքրքիր օրինակ է նաև հետևյալը. Նյույորքերգի ռազմական տրիբունալը Սկորցենի գործով կայացված վճռում գերմանական սպաների կողմից հակառակորդի ռազմական հագուստը օգտագործելով ռազմական օբյեկտ գրավելու համար պատասխանատվության չսահմանեց վերջիններիս համար. իսկ այդ նույն հագուստով մարտիկ բռնելու համար պատասխանատվություն սահմանեց<sup>11</sup>:

Նյուրական արժեքների դեմ ուղղված պատերազմ վարելու արգելված մեթոդներ ասելով հասկանում ենք այնպիսի մեթոդներ, որոնք անմիջականորեն ուղղված են նյուրական արժեքների դեմ, օրինակ՝ մասնավոր և պետական գույքի ոչնչացում, բռնագրավում, միջազգայնորեն ընդունված սարքերանշանների ոչ պատշաճ օգտագործում, շինությունների ավերում, մշակութային օբյեկտների ոչնչացում և այլն:

*Միջազգայնորեն ճանաչված խորհրդանշանների չարաչափման արգելում.*

Արգելվում է ոչ պատշաճ օգտագործել միջազգայնորեն ճանաչված խորհրդանշանները: Գրանք են Կարմիր խաչի, Կարմիր մահիկի, Կարմիր առյուծի և արևի, Կարմիր բյուրեղի, քաղաքացիական բնակչության պաշտպանության, մշակութային արժեքների պաշտպանության, Ժնևի կոնվենցիաներով նախատեսված սարքերանշանները, ազդանշանները:

Մեր կարծիքով՝ այդպիսի նշանների ոչ պատշաճ օգտագործումն արգելված է հետևյալ հանգամանքներում՝

1. հարձակումների, զինված գործադուրյունների ժամանակ,
2. երբ այն ծառայում է նրա համար, որպեսզի խանգարեն ռազմական գործողություններին:

Հակառակորդին դիտավորությամբ մոլորության մեջ գցելու նպատակով պաշտպանական նշանի օգտագործումը, օրինակ՝ Կարմիր խաչի պաշտպանության ներքո ռազմական առաջխաղացումը կամ զենքի փոխադրումը Կարմիր խաչի նշանը կրող շուսապ օգնության մեքենայով կամ նմանատիպ փոխադրամիջոցով, ուխտադրություն է:

Սա չափազանց լուրջ խախտում է<sup>12</sup>, քանի որ խորհրդանշանի չարաչափումը խաթարում է նրա պաշտպանիչ ուժի նկատմամբ հավատը և կարող է հանգեցնել նրա պաշտպանական նշանակության կորստին նույնիսկ այն կառույցների, փոխադրամիջոցների և անձանց համար, որոնք նշանը կրում են օրինականորեն:

Փորձը ցույց է տալիս, թե որքան դժվար է վերականգնել խաթարված վստահությունը, նամանավանդ պատերազմի պայմաններում. կրք իշխում են կասկածամտությունը, ատելությունն ու արհամարհանքը:

Իսկ ի՞նչ ենք հասկանում խորհրդանշանի ոչ ճիշտ օգտագործում ասելով:

Մեր կարծիքով խորհրդանշանի չարաչափման հետևյալ երեք ձևերը կան՝

1. նմանակում, այսինքն՝ այնպիսի նշանի օգտագործում, որն իր ձևի և/կամ գույնի պատճառով կարող է շփոթվել խորհրդանշանի հետ,
2. ուխտադրություն, օրինակ՝ խորհրդանշանի օգտագործումը զինված ընդհարման ժամանակ մարտիկներին կամ ռազմական օբյեկտները պաշտպանելու նպատակով,
3. բռնատիրում, այսինքն՝ խորհրդանշանի օգտագործումը նման իրավունք չունեցող մարմինների կամ անձանց կողմից, օրինակ՝ առևտրական ձեռնարկությունների, հասարակական կազմակերպությունների, դեղագործների, բժիշկների կամ պարզապես անհաստեղի կողմից: Բռնատիրում պետք է համարել նաև այն, երբ խորհրդանշանն օգտագործելու իրավունք ունեցող անձինք այն չեն օգտագործում կոնվենցիաներին և լրացուցիչ արձանագրություններին համապատասխան:

Ոչ ընտրողական և շրջակա միջավայրի

անվտանգության դեմ ուղղված պատերազմ վարելու արգելված մեթոդներ՝ ասելով հասկանում ենք պատերազմ վարելու այնպիսի արգելված մեթոդներ, որոնք ունեն ոչ ընտրողական բնույթ, գուգորդվում են մեծ ավերածություններով, կարող են ուղղված լինել և/կամ անձի, և կամ նյութական արժեքների, և/կամ շրջակա միջավայրի դեմ:

Քանի որ մարդասիրական իրավունքի նպատակը ռազմական անհրաժեշտության և մարդկային սիրալիրության միջև հավասարակշռություն ապահովելն է<sup>13</sup>, ուստի այսպիսի պայմաններում լիովին դատապարտելի են ոչ ընտրողական բնույթի հարձակումները:

*Շրջակա միջավայրի վրա բացասական ազդեցության արգելում*. Եթե Հաագայի կոնվենցիան ամրագրում է, որ զինված ընդհարման ժամանակ արգելվում է պատերազմելու անսահմանափակ մեթոդներ և միջոցներ կիրառել և արգելվում է այնպիսի մեթոդներ և միջոցներ կիրառել, որոնք կարող են ավելորդ վնասներ կամ տառապանքներ պատճառել, ապա Առաջին լրացուցիչ արձանագրությունը դրանց ավելացրեց նաև այն, որ արգելվում է կիրառել պատերազմելու այնպիսի միջոցներ և մեթոդներ, որոնք նպատակ ունեն շրջակա միջավայրին սպառնալու, կամ, կարելի է ենթադրել, որ կոյուտոնուստեն լայնածավալ, երկարատև և լուրջ վնաս: Լայնածավալ վնաս ասելով հասկանում ենք, որ վնասը մեծ տարածքներ է ընդգրկել, ուղղված է եղել շրջակա միջավայրի մեկից ավելի օբյեկտների կամ մեկ օբյեկտի տարբեր քաղաքատարրերի դեմ:

Լուրջ վնաս ասելով հասկանում ենք, որ շրջակա միջավայրին պատճառված վնասը բացասական անդրադարձ կունենա մարդու, կենդանական և բուսական աշխարհի վրա, և որ առաջացած բացասական հետևանքները հալթահարելու համար լուրջ ներդրումներ, հսկայածավալ աշխատանք կպահանջվեն:

Երկարատև վնասը արգելված մեթոդի գործադրման հետևանքով առաջացած բացասական հետևանքի վերացնելու համար անհրաժեշտ ժամանակահատվածն է: Պարտադիր չէ,

որ այդ ժամանակահատվածը մի քանի տասնամյակ տևի<sup>14</sup>, այն կարող է և մի քանի տարի տևել, սակայն այդ վնասը անմիջապես վերացնող հնարավորություն չպետք է լինի: Օրինակ նոր տնկած թեկուզև 1000 ծառի առկայությունը չի վկայում այդտեղ անտառի գոյությունը, այլ սնկված ծառերը միայն 50 տարի հետո են դառնում անտառ, և այսպիսի պայմաններում, եթե անտառ է ոչնչացվել, հետևապես նրա բացասական հետևանքները կհաղթահարվեն տասնամյակների ընթացքում:

Բնական միջավայրը համարվում է քաղաքացիական օբյեկտ և որպես այդպիսին պաշտպանվում է նույն սկզբունքներով և նորմերով, որոնք պաշտպանում են այլ քաղաքացիական օբյեկտները, մասնավորապես տարբերակման և համաչափության սկզբունքներով: Կա նշանակում է, որ բնական միջավայրի և ոչ մի տարր չի կարող հարձակման օբյեկտ դառնալ, եթե այն ռազմական օբյեկտ չէ, և որ արգելվում է հարձակվել ռազմական օբյեկտի վրա, եթե, ինչպես սպասվում է, որ այդ հարձակումը կարող է ուղեկցող այնպիսի վնաս հասցնել բնական միջավայրին, որ չափից ավելի մեծ կլինի ենթադրաբար սպասվելիք կոնկրետ և անմիջական ռազմական առավելության նկատմամբ:

Արգելվում է ռազմական նպատակների համար օգտագործել արհեստականորեն առաջացրած երևույթներ՝ երկրաշարժ, ցունամի, էկոլոգիական հավասարակշռության խախտում, եղանակի փոփոխություն<sup>15</sup>:

Ռազմական գործողությունների վարման ընդհանուր սկզբունքները կիրառվում են նաև շրջակա միջավայրի նկատմամբ:

Պատերազմի վարման մեթոդներն ու միջոցներն օգտագործելիս պետք է պատշաճ կերպով հաշվի առնվի շրջակա միջավայրի պաշտպանությունն ու պահպանությունը:

Ռազմական գործողություններ իրականացնելիս պետք է ձեռնարկվեն նախազգուշական բոլոր հնարավոր միջոցները՝ խուսափելու շրջակա միջավայրը պատահական վնասելուց կամ, համեմայն դեպք, այդ վնասը հասցնելու

նվազագույնի<sup>16</sup>։

*Ռազմական փոխճնշման կիրառման արգելա-  
յուրմ.* Ռազմական փոխճնշման նպատակը  
օրինախախտ պետությանը ստիպելն է, որ  
վերջինս իրավախախտումներ չանի, պահպա-  
նի պատերազմի օրենքներն ու սովորույթները,  
առաջնորդվի մարդասիրական իրավունքի  
նորմերով։

Կան երկու հիմնական պայման, որպեսզի կի-  
րառված ռեպրեսալիան համարվի իրավա-  
չափ՝

1. նախազգուշական միջոցներ ձեռնարկելը,
2. համաչափության սկզբունքը պահպանելը,  
այսինքն՝ կիրառված քայլերի և սպառվելիք  
հետևանքների համաչափ լինելը<sup>17</sup>։

Այս մեթոդի դիմում է այն կողմը, որն ինքս չի  
հանգեցրել այդպիսի իրավիճակի, այլ կերպ  
առած՝ ենթադրյալ գոնն է։ Մեր կարծիքով՝  
իրավաչափության և ոչ մի տարր իր մեջ չի  
պարունակում այս մեթոդը և այն կարելի է հա-  
մեմատել «ակն ընդ ական, ատամն ընդ ատա-  
ման» սկզբունքի հետ և դրանով հանդերձ վեր-  
ջինս անընդունելի, հակաբարոյական ևնր հա-  
մարում։

Ճիշտ է, մարդասիրական իրավունքը թույ-  
լատրում է ռազմական անհրաժեշտությունից  
դրոված, որոշակի քայլերի դիմել, որոշակի մե-  
թոդներ կիրառել, սակայն ռազմական անհրա-  
ժեշտությունը պետությունների համար այսօր  
հնչում է որպես ռազմական հարմարություն՝  
դրանից ելնելով կատարելով իրենց անօրեն  
արարքները՝ կեղծ բարեպաշտության տակ  
քողարկված։

Միջազգային մարդասիրական իրավունքի  
նորմերը կատարելու, պահպանելու հարցում  
պետությունները քաղաքական կամք չեն  
դրսևորում, այնինչ անձի պաշտպանությունը  
միջազգային մարդասիրական իրավունքի  
անկյունաքարն է։ Այսօրվա իրականությունը  
պարտադրում է առավել զգոն լինել պատե-  
րագմների ժամանակ, քանի որ մարդն ունակ է  
և բարին արարել, և չարիք գործել։

Մեր կարծիքով անհրաժեշտ է մարդասիրա-  
կան իրավունքի վերաբերյալ սեմինար-պա-  
րապանքներ անցկացնել, որպեսզի բնակչու-  
թյունը իրագեկ լինի մարդասիրական իրավու-  
նքին, նրա էությունը, սահմանափակումներին ու  
արգելքներին, ուսումնական հաստատություն-  
ներում պետք է համապատասխան առարկա  
ուսուցանվի, հատկապես բարձրագույն գիւնվո-  
րական հաստատություններում պետք է  
աչալրջորեն մտտենան դրան, քանի որ կարևոր  
է զինված ուժերում ռսուցում կազմակերպելը,  
զինվորների իմացության աստիճանը բարձ-  
րացնելը, շատ է կարևորվում հատկապես զին-  
վորների հետ տարվող աշխատանքը այս ուղ-  
ությամբ, զիտաժողովներ պետք է անցկաց-  
վեն, քննարկվեն արդի հիմնախնդիրները։

Անհրաժեշտ է ավելի շատ տեղեկություններ  
տարածել Կարմիր խաչի, Կարմիր մահիկի,  
Կարմիր բյուրեղի սխալ գործածության վերա-  
բերյալ, ինչպես նաև այն հետևանքների մա-  
սին, որ խաղաղ պայմաններում տարբերա-  
նըշանի սխալ օգտագործումը կարող է վատ  
հետևանք թողնել հնարավոր պատերազմա-  
կան իրավիճակում։

<sup>1</sup> Տե՛ս Antonio Cassese, *International law*. New York, 2005, p. 795.

<sup>2</sup> Տե՛ս Քոլարյան Վ, Միջազգային իրավունք, ուսումնական ձևանարկ, Երևան, 2002թ., էջ 271։

<sup>3</sup> Տե՛ս Այստիետ Առաջին լրացուցիչ արձանագրության («Միջազգային զինված բնդիարումների գոհերի պաշտպանության  
մասին» 1949թ. օգոստոսի 12-ի Ժճնի կոնվենցիաների լրացուցիչ արձանագրություն) և Երկրորդ լրացուցիչ արձանագրության  
(«Միջազգային բնույթ չկող զինված բնդիարումների գոհերի պաշտպանության մասին» 1949թ. օգոստոսի 12-ի Ժճնի  
կոնվենցիաների լրացուցիչ արձանագրություն)։

<sup>4</sup> Տե՛ս Ժան Պիկտե, Միջազգային մարդասիրական իրավունքի զարգացումն ու սկզբունքները, ԿԻՄԿ, Երևան, 2000թ., էջ 80։

<sup>5</sup> Տե՛ս Perspectives on the ICRC study on customary international humanitarian law, UK, Cambridge, 2007, p. 246

<sup>6</sup> Տե՛ս Perspectives on the ICRC study on customary international humanitarian law, UK, Cambridge, 2007, p. 242.

<sup>7</sup> Տե՛ս Perspectives on the ICRC study on customary international humanitarian law, UK, Cambridge, 2007, p. 241.

Ամփոփելով վերոշարադրյալը՝ ցանկանում ենք մարդկությանն ուղղել հետևյալ խոսքերը. կկեր չառաջնորդվենք «ջունգլիների օրենքով», «Մարդը մարդու համար գայլ է» (լատ. Homo homini lupus ), «վայ պարտվողին» (լատ. vae victis) սկզբունքներով, այլ «Սիլփի բշնամուր»,

«Խաղաղություն և սեր բանական էակների միջև» սկզբունքներով:

Բոլորիս պեսք է միավորի և ուղղորդի համամարդկային այն մեծ ուժը, որը մարդասիրություն է կոչվում:

<sup>8</sup> Այսուհետ ծովային կոնվենցիա («Ծովային պատերազմի ժամանակ պատերազմող կողմերի միջև հարաբերությունները կարգավորող օրենքների մասին» կոնվենցիա), Առաջին կոնվենցիա («Կործող բանակում վիրավորների և հիվանդների վիճակի բարելավման մասին» կոնվենցիա), Երկրորդ կոնվենցիա («Ծովում զինված ուժերի վիրավորների, հիվանդների և նավաբեկյալների վիճակի բարելավման մասին» կոնվենցիա):

<sup>9</sup> Տե՛ս. Malcolm N. Shaw. International law, Fifth edition, UK, Cambridge, 2005, p. 1063.

<sup>10</sup> Տե՛ս. Эрик Давид. Принципы права вооруженных конфликтов. Москва, 2000. С. 297.

<sup>11</sup> Տե՛ս. Эрик Давид. Принципы права вооруженных конфликтов. Москва, 2000. С. 296.

<sup>12</sup> Տե՛ս. Dieter Fleck. The handbook of humanitarian law in armed conflicts, GB, Oxford, 2007, p.172.

<sup>13</sup> Տե՛ս. Laura Perma. The formatrion of the treaty on non-international armed conflicts. Boston, 2006, p. 1.

<sup>14</sup> Տե՛ս. Ограничение методов и средств ведения войны. Фрш. С. 4.

<sup>15</sup> Տե՛ս. Тункин И.П. Международное право, М., 1994, С. 494.

<sup>16</sup> Տե՛ս. Эрик Давид. Принципы права вооруженных конфликтов, Москва, 2000, С. 296.

<sup>17</sup> Տե՛ս. Dieter Fleck. The handbook of humanitarian law in armed conflicts, GB, Oxford, 2007, p.205.